



অবিলম্বে প্রকাশের উদ্দেশ্যে: 10/18/2022

গভর্নর ক্যাথি হোকল

গভর্নর হোকল পারিবারিক সহিংসতার সচেতনতার মাসের অংশ হিসেবে পারিবারিক সহিংসতার শিকার ব্যক্তিদের সুরক্ষা ও সমর্থন জোরদার করে এমন বিধিমালার প্যাকেজে স্বাক্ষর করলেন

*বিধিমালা (S.6363-A/A.8102-A) নিশ্চিত করে যাতে প্রতিরক্ষামূলক আদেশ পাওয়া ব্যক্তিদের মালিকানাধীন আগ্নেয়াস্ত্র জব্দ করা নিশ্চিত করা যায়, যদি বিচারক নির্ণয় করেন যে এই মালিকানা বিপদের কারণ হতে পারে*

*বিধিমালা (S.6443-B/A.8105-B) ফৌজদারি ও পারিবারিক আদালতের বিচারকের জন্য প্রতিরক্ষামূলক আদেশ জারি করার সময় বিবাদীর আগ্নেয়াস্ত্র মালিকানার ব্যাপারে প্রশ্ন করা আবশ্যিক করে*

*বিধিমালা (A.7748-A/S.3855-A) যৌন নিপীড়নের শিকার ব্যক্তিকে স্টেটের নির্বাচন বোর্ডের কাছে ভোটার নিবন্ধন তথ্য জনগণের থেকে গোপন রাখার জন্য আবেদন করতে দেয়*

*বিধিমালা (S.7157-A/A.6207-B) ইউটিলিটিগুলির জন্য পারিবারিক সহিংসতার শিকার ব্যক্তিদের জরিমানা ছাড়া ভাগাভাগির চুক্তি থেকে বের হয়ে আসতে দেয়*

*বিধিমালা (S.7263-A/A.2519-A) স্বাস্থ্য বীমা কোম্পানিগুলির জন্য পারিবারিক সহিংসতার শিকার ব্যক্তিদেরকে দাবি ও ভাতার তথ্য পাওয়ার জন্য বিকল্প যোগাযোগ তথ্য দেওয়ার বিকল্প প্রদান করা আবশ্যিক করে*

গভর্নর ক্যাথি হোকল আজকে একটি সার্বিক বিধিমালার প্যাকেজে স্বাক্ষর করেছেন যা পারিবারিক ও লিঙ্গভিত্তিক সহিংসতার শিকার ব্যক্তিদের সুরক্ষা জোরদার করবে, নিপীড়ক পার্টনারের থেকে বন্দুক জব্দ করা এবং এই ব্যক্তিদের গোপনীয়তা রক্ষা করা নিশ্চিত করার মাধ্যমে। গভর্নর হোকল ইউনিয়ন সেটেলমেন্টে (Union Settlement), যা একটি অলাভজনক সংগঠন যা ইস্ট হারলেমের ভুক্তভোগীদের সংস্থান প্রদান করে, ভুক্তভোগী, অ্যাডভোকেট এবং বিধিমালার চ্যাম্পিয়নদের সাথে বসে পাঁচটি বিলকে আইন হিসেবে স্বাক্ষর করেছেন।

"আমার প্রসাশন পারিবারিক সহিংসতা (Domestic Violence, DV) নির্মূল করতে এবং ভুক্তভোগীদের সমর্থন করতে প্রতিশ্রুতিবদ্ধ, এটি এমন একটি মিশন যা আমার পরিবারের বহু প্রজন্মের নারীদের সারা জীবনের যাত্রা হয়ে আছে," **গভর্নর হোকল বলেন।** "আমি এই নতুন আইনগুলি স্বাক্ষর করতে পেরে গর্বিত যা গোপনীয়তা বৃদ্ধি করবে, নিউ ইয়র্কবাসীকে বিপদ থেকে দূরে রাখবে, এবং তাদেরকে নিজেদের ও নিজেদের পরিবারের সম্পর্কে সিদ্ধান্ত গ্রহণের নমনীয়তা প্রদান করবে।"

[পারিবারিক সহিংসতার সচেতনতার মাসে \(Domestic Violence Awareness Month\)](#), যা প্রতি বছর অক্টোবর মাসে পালন করা হয়, স্বাক্ষর করা এই আইনগুলি ভুক্তভোগীদের অধিকার রক্ষা করতে এবং নিপীড়ক পার্টনারদের আগ্নেয়াস্ত্র পাওয়ার সুযোগ হ্রাস করতে, যা নিউ ইয়র্ক স্টেটে রিপোর্ট করা হত্যার প্রায় এক তৃতীয়াংশ ঘটনায় ব্যবহার করা হয়, **গভর্নর হোকলের** অবিচল প্রতিশ্রুতিকে আরেকবার প্রমাণ করে।

**পারিবারিক সহিংসতা প্রতিরোধ অফিসের (Office for the Prevention of Domestic Violence, OPDV) নির্বাহী পরিচালক কেলি ওয়েন্স বলেন,** "আজকের বিধিমালাটি সকল ভুক্তভোগীর জন্য নিরাপত্তা বৃদ্ধি করবে, কারণ পারিবারিক ও যৌন সহিংসতার ঘটনায়, নিরাপত্তাই সব থেকে বেশি গুরুত্বপূর্ণ। আমরা বন্দুক নিরাপত্তা, গোপনীয়তার অধিকার, বা আর্থিক নিপীড়ন যেটির কথাই বলি না কেন, আমরা চাই নিউ ইয়র্কবাসীরা জানুক যে তাদের কাছে বিকল্প; সংস্থান ও সুরক্ষা রয়েছে। আমি **গভর্নর হোকলের** অধীনে কাজ করতে পেরে সম্মানিত বোধ করছি, তিনি ভুক্তভোগীদের জন্য একজন সত্যিকারের অ্যাডভোকেট হয়ে আছেন।"

**ভিকটিম পরিষেবার অফিসের (Office of Victim Services) পরিচালক এলিজাবেথ ক্রোনিন বলেন,** "ভিকটিমদের সহায়তার পেশাদারদের করা কাজের অনেকটাই হলো অপরাধের পরবর্তীতে তাদের এবং ভুক্তভোগীদেরকে সেবা ও সমর্থন প্রদান করা। বিধিমালার এই সার্বিক প্যাকেজটি প্রতিরোধের উপর মনোযোগ প্রদান করে নিপীড়কের আগ্নেয়াস্ত্র পাওয়ার সুযোগ সীমাবদ্ধ করতে আদালতের সক্ষমতা জোরদার করে এবং ব্যক্তিদের নিজেদের স্বার্থে সেরা বিকল্পটি গ্রহণ করার ক্ষমতা প্রদান করে। আমি **গভর্নর হোকলের** প্রশংসা করছি পারিবারিক ও যৌন সহিংসতা হ্রাস ও প্রতিরোধ করতে তার প্রচেষ্টা এবং অপরাধের শিকার ও ভুক্তভোগীদের জীবন উন্নত করতে তার অবিচার অঙ্গীকারের জন্য।"

**বিধিমালা S.6363-A/A.8102** অনুযায়ী আদালতের জন্য আগ্নেয়াস্ত্র, রাইফেল এবং শটগান জব্দ করা আবশ্যিক যদি কোনও নিপীড়ক পার্টনার একটি প্রতিরক্ষামূলক আদেশ সংশ্লিষ্ট আদালতের জারি করা আদেশ অবজ্ঞা করে স্বেচ্ছায় তা সমর্পণ না করে। আইনটি নিশ্চিত করবে যে একটি প্রতিরক্ষামূলক আদেশের আওতাধীন ব্যক্তি যাকে ইতিমধ্যে বিপজ্জনক বলে গণ্য করা হচ্ছে, তারা যদি তাদের আগ্নেয়াস্ত্র সমর্পণ করার একটি পূর্বের আদেশ স্বেচ্ছায় মান্য করতে ব্যর্থ হয় তাহলে সেগুলি জব্দ করা হবে।

**বিধিমালা S.6443-B/A.8105-B** অনুযায়ী ফৌজদারি ও পারিবারিক আদালতের বিচারকের জন্য প্রতিরক্ষামূলক আদেশের আওতাধীন ব্যক্তি আগ্নেয়াস্ত্রের মালিক কিনা সেই প্রশ্ন করা আবশ্যিক করে। যদিও বিদ্যমান আইন অনুযায়ী ব্যক্তির আগ্নেয়াস্ত্র লাইসেন্স বাতিল বা

সাময়িকভাবে বাতিল করার আবশ্যিকতা রয়েছে, এর দ্বারা বিচারকের জন্য এই প্রশ্ন করা আবশ্যিক ছিলো না।

**স্টেটের সিনেটর শেলী মায়ার বলেন,** "আমরা আমাদের বিচারব্যবস্থার লুপহোলের কারণে নিপীড়কদের হাতে আগ্নেয়াস্ত্র থাকতে দিতে পারি না। আমি অ্যাসেম্বলিসদস্য ক্লার্কের সাথে মিলে যেই বিলগুলি স্পন্সর করেছি, যা হলো S.6363A/A.8102 এবং S.6443B/A.A8015B, সেগুলি বন্দুক সহিংসতার সম্মুখীন ব্যক্তিদের, বিশেষ করে পারিবারিক সহিংসতার পরিস্থিতিতে, আরো বেশি সুরক্ষা প্রদান করার সাধারণ বুদ্ধির ব্যবস্থা। ধন্যবাদ গভর্নর ক্যাথি হোকল, এই বিলগুলিকে আইন হিসেবে স্বাক্ষর করার জন্য।"

**অ্যাসেম্বলিসদস্য সারা ক্লার্ক বলেন,** "যেহেতু আমরা পারিবারিক সহিংসতার সচেতনতার মাসের উপর আলোকপাত করে যাচ্ছি, তাই আজকে দুইটি গুরুত্বপূর্ণ বিলকে আইন হিসেবে স্বাক্ষর করা হয়েছে যা আগ্নেয়াস্ত্র পাওয়ার সুযোগ সংক্রান্ত আদালতের পদক্ষেপ জোরদার করবে এবং যখন একটি প্রতিরক্ষামূলক আদেশ অনুমোদিত করা হবে তখন অতিরিক্ত কিছু ধাপ আবশ্যিক করা হবে। আইন শৃঙ্খলা রক্ষাকারী বাহিনী জড়িত হওয়ার তাৎক্ষণিক পরবর্তী ঘটনাগুলি পারিবারিক সহিংসতার শিকার ব্যক্তিদের জন্য সবথেকে বেশি বিপজ্জনক এবং উপস্থিতি সেই বিপদের সম্ভাবনা বাড়িয়ে দেয়। আমাদেরকে প্রতিশোধ ও আরো নিপীড়ন হ্রাস করতে আমাদের পক্ষে সম্ভব সবকিছু করতে হবে। এছাড়াও আমরা জানি যে মহামারীর কারণে পারিবারিক সহিংসতা এবং নিপীড়ন অনেক বৃদ্ধি পেয়েছে, যার ফলে এটি স্পষ্ট হয়েছে যে ভুক্তভোগীদের জন্য সংস্থান ও সুরক্ষা বৃদ্ধি করতে আমাদেরকে আরো অনেক কাজ করতে হবে। ভুক্তভোগীদের নিরাপত্তা ও সমৃদ্ধির ক্ষমতা অপেক্ষা করতে পারে না, এবং আমি আমাদের সর্বাপেক্ষা দুর্বল পরিবারগুলির জন্য গভর্নর হোকলের আশা ও অ্যাডভোকেসির প্রতিশ্রুতির জন্য তার প্রতি কৃতজ্ঞ।"

**বিধিমালা S.3855/A.7748-A** যৌন সহিংসতার শিকার ব্যক্তিদেরকে স্টেটের নির্বাচন বোর্ডের (Board of Elections) কাছে নিজেদের ভোটার নিবন্ধন তথ্য জনগণের থেকে গোপন রাখার আবেদন করতে দেয়, যার ফলে অতি গুরুত্বপূর্ণ গোপনীয়তা সুরক্ষা বিস্তৃত হয় যা তাদের রেকর্ডকে তথ্যের স্বাধীনতা আইন অনুরোধের মাধ্যমে প্রকাশ হওয়া থেকে অব্যাহতি প্রদান করে। বিদ্যমান আইনের অধীনে, শুধু পারিবারিক অপরাধের শিকার ব্যক্তিরাই এই তথ্য গোপন রাখতে পারতো।

**স্টেটের সিনেটর টিম কেনেডি বলেন,** "আমাদের জন্য যৌন সহিংসতার ভুক্তভোগীদেরকে হয়রানি ও প্রতিশোধ থেকে রক্ষা করতে সম্ভাব্য সব কিছু করা তা অতি গুরুত্বপূর্ণ। কোন কোন ভুক্তভোগী নিজেদের ভোটার রেকর্ড গোপন করার জন্য যোগ্য হবে তার প্রসারিত করার মাধ্যমে, আমরা নিশ্চিত করছি যাতে শুধু ভোট দিয়ে নিজেদের নাগরিক দায়িত্ব পালন করার কারণে ভুক্তভোগীদের নিজেদের স্বাস্থ্য ও নিরাপত্তাকে ঝুঁকিগ্রস্ত করতে না হয়। ধন্যবাদ গভর্নর হোকলকে এই গুরুত্বপূর্ণ বিধিমালার অংশটিকে আইন হিসেবে স্বাক্ষর করার জন্য।"

**অ্যাসেম্বলিসদস্য ফ্রেড থিয়েল বলেন,** "বেশ কয়েক বছর আগে নিউ ইয়র্ক স্টেট পারিবারিক সহিংসতার শিকার ব্যক্তিদের গোপনীয়তা ও নিরাপত্তা রক্ষা করতে বিধিমালার প্রণয়ন করে

অনুরোধ করা হলে তাদের ভোটদানের রেকর্ড গোপন রাখার অনুমতি প্রদান করে। আমার বিধিমালা সেই সুরক্ষা সম্প্রসারিত করে যৌন অপরাধের শিকার ব্যক্তিদের এর অন্তর্ভুক্ত করে। অনেক বেশি নিউ ইয়র্কবাসী যৌন সহিংসতার কারণে ভয়ে থাকে। যখন আমরা এইসব জঘন্য অপরাধের বিরুদ্ধে আমাদের লড়াই চালিয়ে যাচ্ছি, তখন অপরাধের শিকার ব্যক্তিদের গোপনীয়তা ও নিরাপত্তা প্রদান করা অতি গুরুত্বপূর্ণ যার জন্য তাদের ভোটদানের রেকর্ডের সংশ্লিষ্ট ভৌগলিক তথ্য গোপন রাখা হবে। অপরাধের শিকার ব্যক্তিদের নিজেদের সাংবিধানিক ভোটাধিকার প্রয়োগ করতে নিরাপদ বোধ হওয়া উচিত। আমি এই বিধিমালার অনুমোদন প্রদানের জন্য গভর্নর হোকলকে ধন্যবাদ জানাচ্ছি।"

**বিধিমালা S.7157-A/A.6207-B** ইউটিলিটি, ওয়্যারলেস, কেবল, স্যাটেলাইট, এবং টেলিযোগাযোগ কোম্পানিগুলির জন্য ভাগাভাগির চুক্তির অধীনে থাকা ব্যক্তিদের জন্য এবং পারিবারিক সহিংসতার শিকার হওয়া ব্যক্তিদের জন্য এমন চুক্তি থেকে কোনও ফি, জরিমানা, বা চার্জ ছাড়া বের হয়ে আসার সুযোগ প্রদান করার বর্তমান আবশ্যিকতা সম্প্রসারণ করে। বিধিমালাটি বিদ্যমান আইন সম্প্রসারিত করে কোম্পানিগুলির জন্য এমন ব্যবস্থা গ্রহণ নিষিদ্ধ করে যার ফলে ভুক্তভোগীদের জন্য ভাগাভাগির চুক্তি থেকে বের হয়ে যাওয়ার সক্ষমতা সীমিত হয়ে যায়।

**স্টেটের সিনেটর কেভিন পার্কার বলেন,** "পারিবারিক সহিংসতার কারণে যেই ক্ষতি হয় তার পুরোটা শারীরিক নয়, এর অনেকটাই আর্থিক। আমার বিধিমালা নকশা করা হয়েছে সেই অর্থনৈতিক ক্ষতির কিছুটা দূর করার জন্য ভুক্তভোগীদেরকে ইউটিলিটি বিল থেকে মুক্ত করার মাধ্যমে, যা প্রায়শই নিপীড়কেরা অস্ত্র হিসেবে ব্যবহার করে। ভুক্তভোগীরা যেই অর্থনৈতিক জবরদস্তির সম্মুখীন হয় তা সমাধান করার জন্য অনেক কাজ করা প্রয়োজন, এটি তার জন্য একটি ক্ষুদ্র কিন্তু গুরুত্বপূর্ণ ধাপ। ধন্যবাদ গভর্নর হোকলকে এই প্রয়োজনীয় বিধিমালাটিকে আইন হিসেবে স্বাক্ষর করার জন্য।"

**অ্যাসেম্বলিসদস্য লিন্ডা বি. রোজেনহাল বলেন,** "কোভিড মহামারীর সময় পারিবারিক সহিংসতার ঘটনা অনেক বেশি হারে বৃদ্ধি পেয়েছে, যা ইতিমধ্যে DV-র কলঙ্ক দ্বারা আক্রান্ত ব্যক্তিদের মারাত্মক সংখ্যাকে আরো বৃদ্ধি করেছে। সময়ের সাথে সাথে, পারিবারিক সহিংসতার আসামিদের ব্যবহৃত কৌশল বিবর্তিত হয়েছে এবং তারা এর শিকারদের উপর নিয়ন্ত্রণ রাখার জন্য নতুন পন্থা বের করেছে, যার মধ্যে রয়েছে ব্যবহার করা কেবল, ফোন এবং ইউটিলিটির ভাগাভাগির চুক্তি। একটি পারিবারিক সহিংসতার পরিস্থিতি ত্যাগ করা কখনোই সহজ নয়, এবং ভুক্তভোগীদের এই অতিরিক্ত দৃষ্টিভঙ্গি করতে হওয়া উচিত নয় যে কীভাবে নিপীড়কদের সাথে ভাগাভাগির চুক্তি থেকে নিজেদের বের করা যায়। আমি আনন্দিত যে গভর্নর হোকল পারিবারিক সহিংসতার সচেতনতার মাসে আমার বিধিমালা স্বাক্ষর করেছেন, যাতে ভুক্তভোগীদের আরো সহজে ভাগাভাগির চুক্তি থেকে মুক্তি দানের মাধ্যমে তাদের কিছুটা স্বস্তি প্রদান করা যায়।"

**বিধিমালা S.7263-A/A.2519-A** অনুযায়ী স্বাস্থ্য বীমাকারী এবং স্বাস্থ্য ব্যবস্থাপনা সংগঠনগুলির জন্য পারিবারিক সহিংসতার শিকার ব্যক্তিদেরকে একটি বিকল্প যোগাযোগের তথ্য প্রদান করা আবশ্যিক হয় যাতে করে তারা এমন উপায়ে তাদের দাবির তথ্য ও ভাতা পেতে পারে যা তাদেরকে নিপীড়কদের হাত থেকে আড়াল ও রক্ষা করে। এই বদলের ফলে ভুক্তভোগীরা মেডিকেল ও

মানসিক স্বাস্থ্য সেবা চাইতে পারবে এবং নিজেদের স্বাস্থ্য বীমা ব্যবহার করে এর মূল্য পরিশোধ করতে পারবে এই ভয় ছাড়াই যে তাদের বীমার দাবি, ফর্ম বা বিল দেওয়ার জন্য যোগাযোগ সংক্রান্ত কাগজপত্র পলিসি ধারণকারীর ঠিকানায় প্রেরণ করা হবে।

**স্টেটের সিনেটর জন লিউ বলেন,** "পারিবারিক সহিংসতার শিকার ব্যক্তিদের প্রায়ই সেবা প্রদানকারীদের সহায়তা নেওয়ার সময় চরম সতর্কতা অবলম্বন করতে হয় নিজেদের গোপনীয়তা ও নিরাপত্তা সুরক্ষিত রাখার জন্য। এই সাধারণ বুদ্ধির বিলটি পারিবারিক সহিংসতার শিকার ব্যক্তিদের আরো বেশি নিরাপত্তা প্রদান করে স্বাস্থ্য বীমাকারীদের জন্য ভুক্তভোগীদের প্রয়োজনীয় সাহায্য প্রদান করার সময় তাদের নিপীড়কদের থেকে তাদের গোপনীয়তা ও নিরাপত্তা সুরক্ষিত রাখা আবশ্যিক করে। গভর্নর হোকল এবং আইনসভায় আমার সহকর্মীদেরকে অনেক ধন্যবাদ পারিবারিক সহিংসতার শিকার ব্যক্তিদের জন্য সুরক্ষার আরেকটি স্তর যোগ করার জন্য।"

**অ্যাসেম্বলি সদস্য স্টিভেন সিমব্রোউইচ বলেন,** "আমি যেই বিধিমালাটি (A.2519) স্পন্সর করেছি তা পারিবারিক সহিংসতার শিকার ব্যক্তিদের গোপনীয়তা ও নিরাপত্তা সুরক্ষিত রাখতে সাহায্য করবে, তাদেরকে গুরুত্বপূর্ণ চিকিৎসা ও মানসিক সেবা পাওয়ার সুযোগ প্রদান করবে এই ভয় ছাড়া যে তাদের দাবি বা বিলের জন্য যোগাযোগ নিপীড়কদের কাছে তাদের অবস্থান বা সংবেদনশীল তথ্য প্রকাশ করে দিবে। একইভাবে, এখনো নিপীড়কদের সাথে বাস করছে এমন পরিস্থিতিতে ব্যক্তির প্রয়োজনীয় চিকিৎসা নিতে আসবে সেই সম্ভাবনা বেশি হয় যদি তাদের গোপনীয়তা এবং এই চিকিৎসা তাদেরকে নিজেদের সম্প্রদায়ে পারিবারিক সহিংসতার শিকার ব্যক্তিদের সাহায্য করে এমন সংস্থানের সাথে যুক্ত করে দিবে তা নিশ্চিত করে।"

বিধিমালার প্যাকেজটি নিউ ইয়র্ক স্টেটজুড়ে লিঙ্গভিত্তিক ও পারিবারিক সহিংসতা সমাধানে গভর্নর হোকলের দৃঢ় প্রচেষ্টার অনুবর্তী। গভর্নর এই বসন্তে এমন বিধিমালাকে আইন হিসেবে স্বাক্ষর করেছেন যা মানবাধিকার আইনকে (Human Rights Law) সম্প্রসারিত করে পারিবারিক সহিংসতার শিকার ব্যক্তিদেরকে এর আওতাধীন করেছে, যার ফলে আবাসন ও সরকারি আশ্রয়ের মতো ক্ষেত্রে তাদের বিরুদ্ধে বৈষম্য নিষিদ্ধ করার মাধ্যমে তাদের অভিযোগ প্রক্রিয়া পাওয়ার সুযোগ উন্নত করা হয়েছে। পূর্বে, তারা শুধু মানবাধিকার আইনের চাকরির সংবিধির আওতায় একটি সংরক্ষিত শ্রেণী ছিলো।

এপ্রিল মাসে, গভর্নর হোকল একটি নির্বাহী আদেশ জারি করেন যা পারিবারিক সহিংসতা প্রতিরোধ অফিসকে একটি পলিসি তৈরি করার নির্দেশ দেয় যা নিউ ইয়র্ক স্টেটের কর্মক্ষেত্রে পারিবারিক ও লিঙ্গভিত্তিক সহিংসতার বিরুদ্ধে কাজের প্রক্রিয়া জোরদার করে। এর আগে এই মাসে, OPDV একটি মডেল পলিসি জারি করে, যা স্টেট এজেন্সিগুলি ব্যবহার করতে পারবে এটি নিশ্চিত করার জন্য যাতে যখন পারিবারিক ও অন্তরঙ্গ পার্টনারের সহিংসতার সমস্যা কর্মক্ষেত্রে চলে আসে তখন সাড়াদানের প্রক্রিয়ার নির্দেশনা দানের জন্য যথাযথ ব্যবস্থা থাকে।

লাখ লাখ নিউ ইয়র্কবাসী, প্রধানত নারীরা, পারিবারিক সহিংসতার শিকার হয়। 2021 সালে নিউ ইয়র্ক স্টেটে 195,000টির বেশি পারিবারিক সহিংসতার বিরুদ্ধে সুরক্ষা আদেশ জারি করা হয়েছে, যা 2020 সালের তুলনায় 18 শতাংশ বেশি। কোভিড-19 মহামারী পারিবারিক সহিংসতার সমস্যা

বৃদ্ধি করে দিয়েছে, এবং নিউ ইয়র্ক স্টেটের হটলাইনে ফোনের সংখ্যা জনস্বাস্থ্য সঙ্কট শুরু হওয়ার পর থেকে প্রায় 34 শতাংশ বৃদ্ধি পেয়েছে।

OPDV স্টেটব্যাপী 5,000 ব্যক্তির থেকে একটি জনগণের মতামতের ভোট গ্রহণ করেছে যাতে করে পারিবারিক সহিংসতার ব্যাপারে জনগণের দৃষ্টিভঙ্গি আরো ভালোভাবে বোঝা যায়। প্রাপ্ত ফলাফল বলে যে যদিও বেশিরভাগ নিউ ইয়র্কবাসী পারিবারিক ও লিঙ্গভিত্তিক সহিংসতা সম্পর্কে নিজেদের উপলব্ধি নিয়ে আত্মবিশ্বাসী এবং অনেকেই এমন কাউকে চিনে যে অত্যাচারের বা নিয়ন্ত্রিত সম্পর্কের শিকার হয়েছে, অনেকেই এটি বিশ্বাস করে যে এইসব সমস্যার সৃষ্টি হয় বাইরের নির্ণায়কের উপর ভিত্তি করে যেমন মাদক বা অ্যালকোহল ব্যবহার, নিজের আবেগের উপর নিয়ন্ত্রণ না থাকা বা রাগসংক্রান্ত সমস্যার কারণে, অত্যাচারী পার্টনারের সিদ্ধান্তের কারণে নয়।

গত 30 বছর ধরে, OPDV লিঙ্গভিত্তিক সহিংসতার জন্য নিবেদিত দেশের একমাত্র ক্যাবিনেট পর্যায়ের এজেন্সি হয়ে আছে। এজেন্সিটির লক্ষ্য হল নীতি, প্রোগ্রামিং এবং জনসচেতনতার মাধ্যমে সমস্ত নিউ ইয়র্কবাসীদের অন্তরঙ্গ সম্পর্কের ক্ষেত্রে নিরাপত্তা বাড়ানোর লক্ষ্যে গার্হস্থ্য ও যৌন সহিংসতার প্রতি নিউ ইয়র্ক স্টেটের প্রতিক্রিয়া এবং প্রতিরোধকে উন্নত করা। এছাড়াও OPDV স্থানীয় সেবাদানকারীদের সাথে কাজ করে এটি নিশ্চিত করতে যাতে পুরো স্টেটে এসব সেবা ভুক্তভোগী কেন্দ্রিক, ট্রমা অবগত, সাংস্কৃতিকভাবে সাড়াদানকারী হয়।

নিউ ইয়র্কের পারিবারিক ও যৌন সহিংসতার হটলাইন (Domestic and Sexual Violence Hotline) 24/7 বিনামূল্যে, গোপন সমর্থন প্রদান করে এবং এটি বেশিরভাগ ভাষায় উপলভ্য: 800-942-6906 (ফোন), 844-997-2121 (টেক্সট) or @opdv.ny.gov (চ্যাট)। ব্যক্তির এছাড়াও [www.ovs.ny.gov/connect](http://www.ovs.ny.gov/connect) ভিজিট করে নিজেদের সম্প্রদায়ে একটি ভুক্তভোগীদের সহায়তা কর্মসূচি খুঁজে নিতে পারবে। ভিকটিম পরিষেবার অফিস 200টির বেশি কর্মসূচির অর্থায়ন ও সমর্থন করে যেগুলি অপরাধের শিকার ও ভুক্তভোগীদের এবং তাদের পরিবারকে সরাসরি সেবা প্রদান করে, যার মধ্যে অন্যান্য সহায়তার সাথে রয়েছে থেরাপি, সাপোর্ট গ্রুপ, কেস ব্যবস্থাপনা, দেওয়ানি আইনি সহায়তা, আদালতে সাথে নিয়ে যাওয়া এবং পরিবহন।

###

আরো সংবাদ পাওয়া যাবে এখানে: [www.governor.ny.gov](http://www.governor.ny.gov)-এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418